



Na osnovu Odluke o raspisivanju javnog oglasa za podnošenje prijave za dodjelu stanova privatiziranog preduzeća, koji su stavljeni na raspolaganje Gradu Gradačac, broj: 01-04-32/24 od 30.01.2024. godine („*Službeni glasnik Grada Gradačac*“, broj 1/24) Grad Gradačac  
o b j a v l j u j e

**JAVNI OGLAS**  
**za podnošenje prijave za dodjelu stanova privatiziranog preduzeća,**  
**koji su stavljeni na raspolaganje Gradu Gradačac**

***I – PREDMET JAVNOG OGLASA***

Predmet Javnog oglasa je dodjela 4 (četiri) stana privatiziranog preduzeća TMD, koji podliježu primjeni Zakona o vraćanju, dodjeli i prodaji stanova („*Službene novine FBiH*“, broj 28/05 i 2/08)-u daljem tekstu Zakon.

Stanovi koje Grad Gradačac dodjeljuje označeni su kao:

1. etažna jedinica 1512/5-E9, upisana u el.zk. ul. broj 3856 k.o. Gradačac II. U navedenom el.zk.ulošku stan je označen kao stan br.9, 2.sprat, u površini 58,84m<sup>2</sup> sa suvlasničkim dijelom 59/507 na zajedničkom dijelu nekretnine označene kao k.č. 1512/5 k.o. Gradačac II (KS-49);
2. etažna jedinica 1512/5-E6, upisana u el.zk.ul. broj 3853 k.o. Gradačac II. U navedenom el.zk.ulošku stan je označen kao stan br.6, 1. sprat, u površini 59 m<sup>2</sup>;
3. etažna jedinica 2071/E23, upisana u el.zk.ul. broj 5066 k.o. Gradačac I. U navedenom el.zk.ulošku stan je označen kao stan br.23., 1. sprat, u površini 26 m<sup>2</sup>;
4. etažna jedinica 1399/E10, upisana u el.zk.ul. broj 4939 k.o. Gradačac I. U navedenom el.zk.ulošku stan je označen kao stan br.2, 1. sprat, u površini 49 m<sup>2</sup>.

***II – REDOSLIJED PRIORITETA ZA DODJELU STANA***

Predmetni stanovi se dodjeljuju radnicima nekadašnjeg preduzeća TMD, koje je privatizirano, a koji nemaju riješeno stambeno pitanje, i to prema sljedećem redoslijedu prioriteta:

1. Porodicama radnika preduzeća TMD koji su poginuli u odbrambeno-oslobodilačkom ratu;
2. Radnicima preduzeća TMD ratnim vojnim invalidima i invalidima rada;
3. Radnicima preduzeća TMD demobilisanim borcima;
4. Penzionisanim radnicima preduzeća TMD, koji do 19.05.2005. godine (dan stupanja na snagu Zakona o vraćanju, dodjeli i prodaji stanova) nisu na drugi način riješili stambeno pitanje;
5. Ostalim radnicima koji do dana stupanja na snagu Zakona o vraćanju, dodjeli i prodaji



stanova nisu na drugi način riješili stambeno pitanje.

Radnicima se, u smislu ove odluke, smatraju radnici zaposleni u preduzeću do momenta privatizacije preduzeća.

Status radnika privatiziranog preduzeća se utvrđuje uvjerenjem izdatim od strane nadležnog fonda penzijsko/mirovinskog i invalidskog osiguranja ili izvodom iz radne knjižice.

Penzionisanim radnicima se smatraju radnici koji su pravo na penziju stekli u privatiziranom preduzeću, a zaključno sa danom 19.05.2005. godine, kao danom stupanja na snagu Zakona o vraćanju, dodjeli i prodaji stanova u FBiH, nisu riješili svoje stambeno pitanje.

Status penzionisanog radnika privatiziranog preduzeća se utvrđuje uvjerenjem izdatim od strane nadležnog fonda penzijsko/mirovinskog i invalidskog osiguranja.

Pod ostalim radnicima privatiziranog preduzeća smatraju se radnici koji su i nakon privatizacije ostali na radu u privatiziranom preduzeću, a zaključno sa danom 19.05.2005. godine nisu riješili svoje stambeno pitanje.

### **III – KRITERIJI I MJERILA ZA UČEŠĆE NA JAVNOM OGLASU**

#### **Smatra se da lice ima riješeno stambeno pitanje:**

1. Ako je ono ili član njegovog porodičnog domaćinstva, na teritoriji Bosne i Hercegovine, u svojstvu nosioca stanarskog prava otkupilo stan u procesu privatizacije stanova ili kao nosilac stanarskog prava ima status zaštićenog kupca u smislu Zakona o izdavanju stanova u zakup („*Službene novine TK*“, broj 7/04).
2. Ako je ono ili član njegovog porodičnog domaćinstva bilo korisnik maksimalnog iznosa sredstava za rješavanje stambenog pitanja po propisima iz oblasti boračko-invalidske zaštite Tuzlanskog kantona.
3. Ako je ono ili član njegovog porodičnog domaćinstva, na teritoriji Bosne i Hercegovine, vlasnik stana ili kuće, odnosno ako je naslijedilo stan ili kuću u smislu Zakona o nasljeđivanju.
4. Ako je ono ili član njegovog porodičnog domaćinstva, na teritoriji Bosne i Hercegovine, na dan, 30.04.1991. godine, odnosno naknadno steklo u vlasništvo porodičnu stambenu zgradu ili stan pa ih svojom voljom prodalo, poklonilo ili drugim pravnim poslom otuđilo iz svoje imovine i na taj način se dovelo u situaciju da nema riješeno stambeno pitanje.
5. Ako stanuje kod svojih roditelja ili roditelja svog bračnog druga u porodičnoj stambenoj zgradi u dijelu zgrade koji predstavlja zasebnu stambenu jedinicu.
6. Ako je bilo korisnik sredstava donacije za rješavanje stambenog pitanja.
7. Ako je vlasnik bespravno izgrađenog stambenog objekta po čijem je zahtjevu za legalizaciju objekta, nadležni organ uprave, donio rješenje o naknadnoj urbanističkoj saglasnosti u postupku legalizacije, tj. da je nadležni organ uprave odlučio da se bespravno izgrađeni objekat može legalizovati.

#### **Članovima porodičnog domaćinstva podnosioca prijave na oglas za dodjelu stana smatraju se:**

- bračni partner,
- vanbračni partner, pod uslovom da je vanbračna zajednica do momenta raspisivanja oglasa za dodjelu stana trajala tri godine ili kraće, pod uslovom da je za vrijeme trajanja



vanbračne zajednice rođeno dijete, u smislu člana 3. Porodičnog zakona FBiH („*Službene novine FBiH*“, broj 35/05, 41/05, 31/14 i 32/19),

- djeca rođena u braku ili van braka, usvojena ili pastorčad, bračni drugovi djece i unučad, a koja lica sa podnosiocem prijave na oglas za dodjelu stana trajno žive i stanuju.

Zajednica života se utvrđuje kućnom listom koju podnosilac prijave na oglas za dodjelu stana ovjerava u nadležnoj službi Grada Gradačac ili notara, kao i uvjerenjem CIPS-a o prijavi prebivališta svih članova porodičnog domaćinstva.

### **Dodjela stana će se vršiti po sljedećim kriterijima:**

#### **1. Stambena situacija**

- a) Podnosiocu prijave na oglas koji nema riješeno stambeno pitanje pripada.....**100 bodova**
- b) Podnosiocu prijave na oglas koji stanuje kod svojih roditelja ili roditelja bračnog druga pripada.....**80 bodova**

Pod pojmom lice koje nema riješeno stambeno pitanje se podrazumijeva podstanar, lice koje stanuje u zgradi koja je odlukom nadležnog organa proglašena za rušenje ili lice koje je korisnik nužnog smještaja, ili lice za koje je izvjesno da će, zbog upravnog ili sudskog postupka koji traje ili koji će biti pokrenut na osnovu već podnesenog zahtjeva, prijedloga ili tužbe, biti iseljeno iz stana ili neke druge stambene jedinice koje trenutno koristi.

Status podstanara se dokazuje ugovorom o podstanarskom odnosu ovjerenim od strane nadležene poreske uprave, a status korisnika nužnog smještaja rješenjem organa uprave Grada Gradačac nadležnog za stambene poslove.

Dokaz za moguće gubljenje prava na stan koji se trenutno koristi su već donesena akta u konkretnom predmetu.

#### **2. Radni staž**

- a) Podnosiocu prijave na oglas za dodjelu stana za svakih navršenih 12 mjeseci radnog staža pripada..... **10 bodova**

Kao dokaz o radnom stažu priznaje se isključivo period radnog staža utvrđen od strane nadležnog fonda penzijskog/mirovinskog i invalidskog osiguranja.

#### **3. Broj članova porodičnog domaćinstva, zdravstveno stanje, porodice poginulih branilaca/šehida i civilnih žrtava rata**

- a) Podnosiocu prijave na oglas za dodjelu stana za svakog člana porodičnog domaćinstva pripada..... **5 bodova**
- b) Podnosiocu prijave na oglas za dodjelu stana ili člana porodičnog domaćinstva koji je teško bolestan pripada..... **10 bodova**
- c) Podnosiocu prijave na oglas za dodjelu stana sa statusom člana porodice poginulih branilaca/šehida pripada..... **100 bodova**



- d) Podnosiocu prijave na oglas za dodjelu stana sa statusom člana porodice poginule civilne žrtve rata pripada..... **70 bodova**

Teškom bolešću se smatraju: respiratorne bolesti, bolesti koštano-mišićnog sistema i vezivnog tkiva, neuromišićne bolesti, maligna oboljenja, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), paraliza kao i sve druge teške i trajne bolesti utvrđene nalazom ovlaštene zdravstvene ustanove.

Status člana porodice poginulih branilaca/šehida i status civilne žrtve rata utvrđuje se uvjerenjem Grada Gradačac, odnosno službe nadležne za poslove boračko-invalidske zaštite.

#### **4. Ratni vojni invalidi**

Podnosiocu prijave na oglas za dodjelu stana sa statusom ratnog vojnog invalida, u ovisnosti od utvrđene kategorije invalidnosti, pripada:

- a) RVI 100 % prve grupe invaliditeta ..... **100 bodova**
- b) RVI 100 % druge grupe invaliditeta ..... **70 bodova**
- c) RVI 90 % treće grupe invaliditeta ..... **50 bodova**
- d) RVI 80 % četvrte grupe invaliditeta ..... **40 bodova**
- e) RVI 70 % pete grupe invaliditeta ..... **30 bodova**
- f) RVI 60 % šeste grupe invaliditeta ..... **20 bodova**
- g) RVI 50 % sedme grupe invaliditeta ..... **15 bodova**
- h) RVI 40 % osme grupe invaliditeta ..... **8 bodova**
- i) RVI 30 % devete grupe invaliditeta ..... **6 bodova**
- j) RVI 20 % desete grupe invaliditeta ..... **5 bodova**

Status i kategorija ratnog vojnog invalida se utvrđuje uvjerenjem službe Grada Gradačac, nadležne za poslove boračko-invalidske zaštite.

#### **5. Demobilisani borac**

Podnosiocu prijave na oglas za dodjelu stana sa statusom demobilisanog borca pripadaju bodovi kako slijedi:

- a) Dobrovoljac i organizator otpora (lice koje je stupilo u oružane snage u periodu od 18.09.1991. do 09.04.1992.godine i ostao neprekidno u jedinicama do 23.12.1995. godine ili je ranije demobilisan od strane nadležnog vojnog organa..... **35 bodova**
- b) Veteran (lice koje je stupilo u oružane snage u periodu od 18.09.1991. godine do 31.12.1992.godine i ostao neprekidno u jedinicama do 23.12.1995. godine ili je ranije demobilisan od nadležnog vojnog organa)..... **25 bodova**
- c) Učesnik rata (lice koje je u OS RBiH provelo najmanje jednu godinu dana neprekidno u periodu od 18.09.1991.-23.12.1995. godine..... **15 bodova**

Status demobilisanog borca i vrijeme provedeno u oružanim snagama se utvrđuje odgovarajućim uvjerenjem nadležnog organa za vojne evidencije u skladu sa odredbom člana 2. i



44. Zakona o pravima branitelja i članova njihovih porodica („*Službene novine FBiH*“, broj 33/04, 56/05, 70/07, 9/10, 90/17 i 29/22).

#### **6. Nosilac najviših ratnih priznanja**

Podnosiocu prijave koji je nosilac najviših ratnih priznanja, u smislu člana 2. stav 1. Zakona o posebnim pravima dobitnika ratnih priznanja i odlikovanja i članova njihovih porodica („*Službene novine FBiH*“, broj 70/05, 61/06, 09/10, 90/17 i 29/22), ..... **50 bodova**

#### **7. Invalid rada**

Podnosiocu prijave na oglas za dodjelu stana sa statusom invalida rada, u zavisnosti od utvrđene kategorije invalidnosti, pripada:

- a) Invalidu rada prve kategorije ..... **50 bodova**
- b) Invalidu rada druge kategorije ..... **35 bodova**

Status i kategorija invalida rada se utvrđuje nalazom nadležne komisije za ocjenu radne sposobnosti.

#### **8. Obveznik radne obaveze ili civilne zaštite**

Podnosiocu prijave na oglas za dodjelu stana sa statusom obveznika radne obaveze, ili civilne zaštite, za svaki započeti mjesec dana provedenih u radnoj obavezi ili u jedinicama civilne zaštite, pripada ..... **1 bod**

#### **9. Logoraš**

Podnosiocu prijave na oglas sa priznatim statusom logoraša za svaki započeti mjesec dana provedenih u logoru pripadaju ..... **3 boda**

Status obveznika radne obaveze, odnosno pripadnosti jedinici civilne zaštite, vrijeme provedeno na radnoj obavezi i civilnoj zaštiti, kao i status logoraša utvrđuje se odgovarajućim uvjerenjem nadležnog organa.

### **IV– POSTUPAK DODJELE STANA**

Postupak dodjele stanova će provesti Komisija koju imenuje Gradonačelnik.

Komisija ima predsjednika i tri člana, a ista će se imenovati iz reda državnih službenika i namještenika Grada Gradačac.

U cilju potpunog i pravilnog utvrđivanja činjeničnog stanja, a prije bodovanja i utvrđivanja rang liste, Komisija može u slučaju sumnje u istinitost podataka ili sadržaj pojedinih dokaza, službenim putem pribaviti određene podatke za pojedine učesnike javnog oglasa kao i izvršiti uviđaj na licu mjesta.

Ako se u postupku utvrđivanja činjeničnog stanja utvrdi da je podnosilac prijave na oglas dao netačne podatke radi dobijanja većeg broja bodova, takva prijava će se odbaciti.



Protiv rješenja o odbacivanju prijave na oglas za dodjelu stana, kandidat čija je prijava odbačena, može u roku od 8 (osam) dana podnijeti zahtjev za preispitivanje rješenja Gradonačelniku, koji će povodom toga imenovati drugostepenu Komisiju.

Odluka drugostepene Komisije povodom izjavljenog zahtjeva za preispitivanje je konačna.

Ukoliko se u postupku bodovanja i utvrđivanja nacrti i prijedloga rang-liste utvrdi da dva ili više učesnika javnog oglasa imaju isti broj bodova, prednost za dodjelu stana će se utvrditi učesniku koji je ostvario veći broj bodova po osnovu kriterija radni staž ostvaren u privatiziranom preduzeću.

Ukoliko se na način iz prethodnog stava ne može utvrditi prioritet za dodjelu stana, prednost će se utvrditi učesniku koji je ostvario veći broj bodova po osnovu broja članova porodičnog domaćinstva, a potom po kriteriju zdravstveno stanje.

Na utvrđeni prijedlog rang liste učesnici javnog oglasa imaju pravo podnijeti zahtjev za preispitivanje u roku od 15 dana od dana njenog prijema.

O zahtjevima za preispitivanje odlučuje drugostepena komisija imenovana od strane Gradonačelnika.

Rješenje o dodjeli predmetnog stana na korištenje, u skladu sa rang listom utvrđenom od strane Komisije, donosi Gradsko vijeće Grada Gradacać.

Protiv rješenja Gradskog vijeća iz prethodnog stava, nezadovoljna strana može podnijeti tužbu Kantonalnom sudu u Tuzli.

Lice kome je stan dodijeljen ima pravo da podnese zahtjev za kupovinu stana Gradu Gradacać, u roku od 3 (tri) mjeseca od pravosnažnosti rješenja o dodjeli stana na korištenje.

Lice kome je dodijeljen stan na korištenje, a koji u ostavljenom roku ne podnese zahtjev za kupovinu stana, sa Gradom zaključuje ugovor o zakupu u skladu sa Zakonom o zakupu stanova Tuzlanskog kantona („*Službene novine TK*“, br. 7/00, 14/02 i 5/07).

Lice koje useli u stan na osnovu pravosnažnog rješenja o dodjeli stana, obavezno je da do dana otkupa stana ili zaključenja ugovora o zakupu stana, izmiruje sve troškove održavanja zajedničkih dijelova i uređaja zgrada u skladu sa odredbama Zakona o korištenju, upravljanju i održavanju zajedničkih dijelova i uređaja zgrade („*Službene novine TK*“, broj 14/15), kao i troškove potrošnje električne energije i komunalnih usluga.

## **V- CIJENA PRILIKOM OTKUPA STANA**

### **Član 10.**

Cijenu stana čini građevinska vrijednost stana korigirana koeficijentom položajne pogodnosti.

Građevinska vrijednost stana je 600,00 KM/m<sup>2</sup>.

Kod utvrđivanja cijene stana primjenjuje se koeficijent položajne pogodnosti stana u rasponu od 0,60 do 1,00 utvrđen propisom vlade kantona.

Plaćanje stana se vrši novcem.

Plaćanje stana se može ugovoriti i odjednom ili otplatom u 10 jednakih godišnjih rata sa 1% godišnje kamate.

Izuzetno, ukoliko je stan dodijeljen licu koje je i prije aprila 1992. godine bilo radnik preduzeća, plaćanje cijene stana može se izvršiti certifikatima iz osnova potraživanja građana utvrđenih posebnim propisom.



Postupak otkupa stana i utvrđivanje kupoprodajne cijene stana provodi Gradska služba za geodetske i imovinsko-pravne poslove Grada Gradačac, uz prethodno pribavljeno mišljenje Gradskog pravobranilaštva.

Međusobna prava i obaveze prodavca i kupca stana, koja nisu uređena ovom odlukom, regulisat će se u skladu sa odredbama Zakona o prodaji stanova na kojima postoji stanarsko pravo FBiH.

## **VI- PRIJAVA NA JAVNI OGLAS**

Za prijavu na javni oglas potrebno je priložiti sljedeću dokumentaciju:

1. Popunjen i potpisan prijavni obrazac

2. Dokaz o stambenoj situaciji:

- a) za status podstanara-ugovor o podstanarskom odnosu ovjeren od strane nadležne poreske uprave;
- b) za status korisnika nužnog smještaja-rješenje organa uprave Grada Gradačac nadležnog za stambene poslove;
- c) za lice pod rizikom iseljenja iz trenutno zakonitog korištenja stana-već donesena akta u konkretnom predmetu
- d) za lica koja stanuju kod svojih roditelja ili roditelja bračnog druga-Komisija vrši uviđaj na licu mjesta

3. Ovjerena izjava da podnosilac prijave i članovi njegovog porodičnog domaćinstva, na teritoriji Bosne i Hercegovin, nisu otkupili stan u procesu privatizacije stanova niti kao nosioci stanarskog prava imaju status zaštićenog zakupca, u smislu Zakona o izdavanju stanova u zakup („Službene novine TK“, broj 7/04);

4. Uvjerenje organa uprave Grada Gradačac nadležnog za opću upravu, boračko-invalidsku i socijalnu zaštitu da podnosilac zahtjeva nije korisnik maksimalnog iznosa sredstava za rješavanje stambenog pitanja po propisima iz boračko-invalidske zaštite Tuzlanskog kantona;

5. Uvjerenje/potvrda da podnosilac zahtjeva i članovi njegovog porodičnog domaćinstva nisu u evidencijama upisani kao vlasnici kuće ili stana (navedeno pribaviti od ZK Ureda Općinskog suda u Gradačcu-gruntovnica i od službe za katastar-šalter 10 u zgradi Gradske uprave);

6. Ovjerena izjava da podnosilac prijave i članovi njegovog domaćinstva, na teritoriji Bosne i Hercegovine, nisu vlasnici stana ili kuće, odnosno nisu naslijedili stan ili kuću u smislu Zakona o nasljeđivanju;

7. Ovjerena izjava da podnosilac prijave i članovi njegovog porodičnog domaćinstva, na teritoriji Bosne i Hercegovine, na dan 30.04.1991. godine, odnosno naknadno nisu stekli u vlasništvo porodičnu stambenu zgradu ili stan pa ih svojom voljom prodali, poklonili ili drugim pravnim poslom otuđili iz svoje imovine i na taj način se doveli u situaciju da nemaju riješeno stambeno pitanje;

8. Ovjerena izjava da podnosilac zahtjeva nije korisnik donacije za rješavanje stambenog pitanja;

9. Ovjerena izjava da podnosilac prijave i članovi njegovog porodičnog domaćinstva, nisu vlasnici bespravno izgrađenog stambenog objekta po čijem je zahtjevu za legalizaciju objekta nadležni organ uprave donio rješenje o naknadnoj urbanističkoj saglasnosti u postupku legalizacije, tj. da je nadležni organ uprave odlučio da se bespravno izgrađeni objekat može legalizovati;

10. ovjerena kopija rješenja o prestanku radnog odnosa u privatiziranom preduzeću TMD;

11. uvjerenje nadležnog fonda PIO/MIO o radnom stažu;



Bosna i Hercegovina  
Federacija Bosne i Hercegovine  
Tuzlanski kanton  
**GRAD GRADAČAC**

H.K.Gradašćevića 4, 76 250 Gradačac, telefon 035-369-750, fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

12. Kućna lista podosioca prijave ovjerena od nadležne službe Grada Gradačac ili od notara;
13. Uvjerenje CIPS-a o prijavi prebivališta za sve članove porodičnog domaćinstva koji su na kućnoj listi, koje ne smije biti starija od dana objavljivanja javnog oglasa;
14. teška bolest se dokazuje odgovarajućom medicinskom dokumentacijom ovlaštene zdravstvene ustanove;
15. status člana porodice poginulih branilaca /šehida, status ratnog vojnog invalida i status civilne žrtve rata se dokazuje uvjerenjem Grada Gradačac-od strane službe nadležne za poslove boračko-invalidske zaštite;
16. status demobilisanog borca i vrijeme provedeno u oružanim snagama dokazuje se uvjerenjem nadležnog organa za vojne evidencije;
17. dobitnici najviših ratnih priznanja u zavisnosti od priznanja: Rješenje o određivanju novčane naknade, Uvjerenje nadležnog organa ili Plaketa (fotokopija);
18. status invalida rada se dokazuje nalazom nadležne komisije za ocjenu radne sposobnosti;
19. status obveznika radne obaveze ili civilne žrtve rata se dokazuje uvjerenjem nadležnog organa;
20. status logoraša, kao i vrijeme provedeno u logoru se dokazuje se uvjerenjem nadležnog organa;
21. status deficitarnog kadra se dokazuje uvjerenjem nadležnog organa

#### **VII- NAČIN I ROK ZA PODNOŠENJE PRIJAVE**

Popunjeni prijavni obrazac sa pratećom dokumentacijom dostaviti na adresu:

Grad Gradačac

Komisija za dodjelu stanova privatiziranog preduzeća,

koji su stavljeni na raspolaganje Gradu Gradačac

ul. H.K.Gradašćevića br. 4

(uz obaveznu naznaku „Prijava na Javni oglas-NE OTVARAJ“)

Prijava sa pratećom dokumentacijom u zatvorenoj koverti sa svim navedenim podacima se može dostaviti putem pošte ili lično na šalter 6. u zgradi Gradske uprave Grada Gradačac.

#### **NAPOMENA:**

Prijavni obrazac se može preuzeti sa web stranice Grada Gradačac ili lično na portirnici-prijavnici u zgradi Gradske uprave.

Podnosilac prijave može sve potrebne izjave obuhvatiti jednom izjavom (npr. jednom izjavom obuhvatiti tačke 3., 6., 7., 8. i 9. u dijelu VI javnog oglasa) koje se traže kao prilog prijavnom obrascu.

Javni oglas ostaje otvoren 30 dana od dana objavljivanja na web stranici Grada Gradačac.

Neblagovremene i nepotpune prijave se neće uzeti u razmatranje.

Broj: 09/2-27-4928/23

Datum: 18.03.2024. godine

Gradonačelnik

\_\_\_\_\_  
Edis Dervišagić





Bosna i Hercegovina  
Federacija Bosne i Hercegovine  
Tuzlanski kanton  
**GRAD GRADAČAC**

H.K.Građašćevića 4, 76 250 Gradačac, telefon 035-369-750, fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

**PRIJAVNI OBRAZAC**  
**za dodjelu na korištenje stana privatiziranog preduzeća TMD, koji je**  
**stavljen na raspolaganje Gradu Gradačac**

**1. Podaci o podnosiocu prijave:**

<i>Ime (ima oca) Prezime</i>	
<i>Datum i mjesto rođenja</i>	
<i>JMBG i br. lične karte</i>	
<i>Adresa stanovanja</i>	
<i>Kontakt telefon</i>	

**2. Podaci o stambenom status i broj članova domaćinstva podnosioca prijave (označiti):**

Stambeni status:	1.Bez stana; 2. Stanujem kod roditelja, 3.Podstanar
Broj članova domaćinstva:	1. 2. 3. 4. 5. više od 5

**3. Pripadnost redosljedu prioriteta (staviti znak x pored odgovarjućeg uslova):**

	Porodica radnika preduzeća TMD koji je poginuo u odbrambeno-oslobodilačkom ratu
	Radnik preduzeća TMD ratni vojni invalid i invalid rada
	Radnik preduzeća TMD demobilisani borac



Bosna i Hercegovina  
Federacija Bosne i Hercegovine  
Tuzlanski kanton  
**GRAD GRADAČAC**

H.K.Građaševića 4, 76 250 Gradačac, telefon 035-369-750, fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

	Penzionisani radnik preduzeća TMD, koji do 19.05.2005. godine nije na drugi način riješio stambeno pitanje
	Ostali radnici koji do 19.05.2005. godine nisu na drugi način riješili stambeno pitanje

4. Redni broj stana iz Javnog oglasa za koji se podnosi prijava:

Stan pod rednim brojem	
------------------------	--

5. Ukoliko podnosilac prijave ne ostvari pravo na dodjelu stana za koji je prijava podnesena, a želi aplicirati za neki drugi stan (jedan ili više) navesti redni broj tog stana ili stanova, vodeći se redoslijedom svojih prioriteta:

Gradačac, \_\_\_\_\_

\_\_\_\_\_  
Ime i prezime podnosioca prijave